



BULETINI I OEMVP

**JANAR – MARS
2025**



Str. Dimitrie Cupovski 13
1000 Skopje, Macedonia
Tel. +389 (0)2 3239 252
oemvp.org

www.oemvp.org

Përmbajtja

Përmbajtja	1
Hyrje	3
1. Sundim i ligjit, institucione efektive me përgjegjësi fiskale dhe financiare si nevojë thelbësore për ekonomi të fuqishme të tregut të lirë	4
1.1 OEMVP ulë në tryezë biznesin dhe qeverinë, në fokus qasja në financa dhe masat qeveritare!	4
Informatori ligjor Juris dhe Juris Alarm	5
3. Shtet Evropian, anëtare e BE-së, me institucione dhe biznese moderne të digjitalizuara dhe të drejtuara drejt ekonomisë cirkulare dhe burimeve të ripërtitshme të energjisë	6
3.1 Promovimi i Praktikave ESG	6
4. Odë me kredibilitet dhe përfshirje lokale dhe rajonale, lidere në mbrojtje të interesave afariste	7
4.1 OEMVP mirëpret kryesinë e Shoqatës së Industrialistëve dhe Biznesmenëve Eskişehir Rumeli	7
4.2 U realizua mbledhja e I-rë e Këshillit Drejtues të OEMVP për vitin 2025	7
4.3 Zhvillohet takim mes OEMVP dhe Zv.Ministrit të Bujqësisë, Pylltarisë dhe Ekonomisë së Ujërave. Në fokus mbështetja e sektorit agro-industrial	8
4.4 "OEMVP mysafire e Aleancës Kosovare të Bizneseve me rast të manifestimit të 17-vjetorit të Pavarësisë së Kosovës"	8
4.5 Takim mes Grupacionit të Ndërtimtarisë, Urbanizmit, Mjedisit dhe Energjetikës të OEMVP dhe Drejtorisë së të Ardhurave Publike	9
4.6 Qyra në ceremoninë e ndarjes së bursave të organizuar nga <i>Fondacioni Albiz</i> : Investimi tek studentët është çelësi i suksesit	9
4.7 Delegacioni i OEMVP-së në takim me Presidenten Siljanovska Davkova: Angazhim i përbashkët për zhvillimin ekonomik	10
4.8 OEMVP nderohet me pllakë jubilarë nga Kryqi i Kuq në 80-vjetorin e themelimit	10
4.9 OEMVP organizon Iftarin Tradicional, duke promovuar solidaritetin dhe bashkëjetesën	11
4.10 Realizohet takim mes OEMVP dhe MPJTJ. Diskutohet rreth mundësive të bashkëpunimit për stimulim të eksportit	11
4.11 Drejtori ekzekutiv i OEMVP, z. Durim Zeqiri pjesëmarrës në Konferencën Rajonale të ESG në WB6	12
4.12 Realizohet Mbledhja e II-të e Këshillit Drejtues të OEMVP. U diskutuan prioritetet për periudhën që vijon	12
4.13 Maison de Parfum Skopje, kompania anëtare e OEMVP, hap dyert për vizitë ekskluzive	13

4.14 Eksplorimi i tregjeve të reja: OEMVP organizon pjesëmarrjen e bizneseve anëtare në një nga panairët më të rëndësishme ndërkombëtare të ndërtimtarisë - CF Istanbul”	13
Informatori ekonomik ECONOMICUS.....	14
Biznes Informatori DOBIA	15
5. Zvogëlimi i ekonomisë gri (joformale), minimizimi i korrupsionit dhe konkurrencës jo lojale si parakusht i konkurrueshmërisë së shëndoshë ekonomike	16
5.1 Njoftim mbi fillimin e Anketës për Opinionin Ekzekutiv	16
5.2 Fushata e OEMVP për sensibilizim kundër Ekonomisë gri (joformale)	16
6. Marrëdhëniet me publikun	17
7. Komunikimi me anëtarët.....	19
8. OEMVP në media	19
9. OEMVP në rrjetet sociale	20
Shërbimet e OEMVP.....	21

Hyrje

Buletini i OEMVP është dokument i cili publikohet në baza kuartale dhe i cili përmban përshkrim të shkurtuar të aktiviteteve të OEMVP-së për periudhën e raportimit. Në kuartalin e parë gjegjësisht periudhën Janar – Mars 2025, OEMVP me qëllim të realizimit të vizionit, misionit dhe qëllimeve strategjike afatgjate të OEMVP-së ka organizuar aktivitete të ndryshme duke vazhduar të etablohet si një institucion i mirëfilltë dhe profesional i drejtuar në përkrahjen dhe avancimin e bizneseve në vend dhe më gjerë.

Strategjia e OEMVP-së për vitin 2024 – 2027 është e bazuar mbi kontekstin e përgjithshëm, nevojat prioritare, aktivitetet e aktorëve tjerë si dhe mbi rolin e vet, dhe ka të definuara pesë objektiva strategjike. Bazuar në vizionin dhe misionin, po ashtu edhe në qëllimet afatgjate të Odës, gjatë kësaj periudhe jemi angazhuar në arritjen e këtyre qëllimeve strategjike:

1. Sundim i ligjit, institucione efektive me përgjegjësi fiskale dhe financiare si nevojë thelbësore për ekonomi të fuqishme të tregut të lirë.
2. Fuqi punëtore të mjaftueshme dhe të kualifikuar me një ekonomi diverze dhe zhvillimore që parandalon emigrimin.
3. Shtet Evropian, anëtare e BE-së, me institucione dhe biznese moderne të digjitalizuara dhe të drejtuara drejt ekonomisë cirkulare dhe burimeve të ripërtitshme të energjisë.
4. Odë me kredibilitet dhe përfshirje lokale dhe rajonale, lidere në mbrojtje të interesave afariste.
5. Zvogëlimi i ekonomisë gri (joformale), minimizimi i korrupsionit dhe konkurrencës jo lojale si parakusht i konkurrueshmërisë së shëndoshë ekonomike.

Durim Zekiri

Drejtor Ekzekutiv

1. Sundim i ligjit, institucione efektive me përgjegjësi fiskale dhe financiare si nevojë thelbësore për ekonomi të fuqishme të tregut të lirë

1.1 OEMVP ulë në tryezë biznesin dhe qeverinë, në fokus qasja në financa dhe masat qeveritare!

16.01.2025, Shkup – Oda Ekonomike e Maqedonisë Veri-Perëndimore organizoi Ditë të Hapur mes bizneseve anëtare të Odës dhe përfaqësuesve të Qeverisë, ku i pranishëm ishte zv.kryeministri z. Izet Mexhiti, si dhe drejtori i Agjencisë për investime të huaja dhe promovim të eksportit, z. Refik Xhemaili.

Kjo ditë e hapur u organizua me qëllim që biznesi dhe përfaqësuesit e shtetit të diskutojnë hapur për problemet me të cilat ballafaqohen kompanitë në vendin tonë, dhënien e sugjerimeve, por edhe krijimin e masave dhe mundësive për zhvillim sa më të shpejt të bizneseve dhe ekonomisë së vendit.



Informatori ligjor Juris dhe Juris Alarm

Gjatë kësaj periudhe OEMVP publikoi Informatorin ligjor JURIS dhe Juris Alarm. Temat që u publikuan në këtë informator ligjor ishin:

- **JURIS nr.1** - Vendim për kushte të veçanta të tregtisë për disa mallra dhe detyrimin e tregtarëve për sigurimin dhe shitjen e llojeve dhe sasive të caktuara të këtyre mallrave tek konsumatorët, sipas një radhe të caktuar
- **JURIS Alarm nr.1** - Ligji për ndryshimin dhe plotësimin e ligjit të mbrojtjes së konsumatorëve

3. Shtet Evropian, anëtare e BE-së, me institucione dhe biznese moderne të digjitalizuara dhe të drejtuara drejt ekonomisë cirkulare dhe burimeve të ripërtritshme të energjisë

3.1 Promovimi i Praktikave ESG

24.02.2025, Shkup - Oda Ekonomike e Maqedonisë Veri-Perëndimore, në bashkëpunim me Dhomën e Tregtisë dhe Industrisë Kosovë, organizoi një trajnim mbi “Promovimin e praktikave të ESG (Mjedisit, Shoqërisë dhe Qeverisjes) në Ballkanin Perëndimor”.

Ky trajnim i dizajnuar për të pajisur bizneset, OJQ-të dhe institucionet akademike me njohuritë dhe mjetet e nevojshme për të integruar në mënyrë efektive parimet ESG në punën e tyre, përfshiu tematika kryesore si standardet ESG, raportimi, menaxhimi i rreziqeve dhe identifikimi i mundësive për zhvillimin e biznesit të qëndrueshëm.



4. Odë me kredibilitet dhe përfshirje lokale dhe rajonale, lidere në mbrojtje të interesave afariste

4.1 OEMVP mirëpret kryesinë e Shoqatës së Industrialistëve dhe Biznesmenëve Eskişehir Rumeli

20.01.2025, Shkup - Në hapësirat e OEMVP, Kryetari i Kuvendit të Odës z. Nazmi Ejupi së bashku me Drejtorin Ekzekutiv dhe anëtarë të Këshillit drejtues, zhvilluan takim me Kryetarin e Shoqatës së Industrialistëve dhe Biznesmenëve Eskişehir Rumeli, z.Rustu Sentuna së bashku me përfaqësues tjerë po nga i njëjti institucion.



Ky takim u fokusua në avancimin e bashkëpunimit të ndërsjellë midis anëtarëve të të dyja palëve, si dhe nxitjen e shkëmbimit tregtar me bizneset nga rajoni dhe më gjerë. Në diskutim u theksuan rëndësia e partneriteteve strategjike, krijimi i mundësive të reja për investime si dhe mundësia e rritjes së bashkëpunimit global në interes të zhvillimit ekonomik.

4.2 U realizua mbledhja e I-rë e Këshillit Drejtues të OEMVP për vitin 2025

28.01.2025, Shkup - Në hapësirat e Odës Ekonomike të Maqedonisë Veri-Perëndimore u realizua mbledhja e I-rë e Këshillit Drejtues për vitin 2025, ku u diskutuan arritjet kryesore të odës gjatë vitit që lamë pas por edhe prioritetet kryesore për zhvillimin dhe ecurinë e mëtejshëm të Odës.



Në këtë takim, u shqyrtua efikasiteti i strukturave drejtuese të Odës dhe u vlerësuan sukseset e arritura gjatë vitit të kaluar, të cilat dëshmojnë përkushtimin dhe rolin proaktiv të OEMVP në mbështetjen e sektorit të biznesit.

Gjatë vitit 2024, OEMVP shënoi arritje të rëndësishme, përfshirë miratimin e Strategjisë Kombëtare për Zhvillim dhe sjelljen e Ligjit për Ndalimin e Praktikave të Padrejtë Tregtare, duke mbrojtur konkurrencën e ndershme.

4.3 Zhvillohet takim mes OEMVP dhe Zv.Ministrit të Bujqësisë, Pylltarisë dhe Ekonomisë së Ujërave. Në fokus mbështetja e sektorit agro-industrial

10.02.2025, Shkup – Kryetari i OEMVP z. Mendi Qyra së bashku me Drejtorin Ekzekutiv z. Durim Zeqiri, Kryetarin e Grupacionit për bujqësi dhe zhvillim rural z. Arben Halili dhe nënkryetarin e Kuvendit, z. Kasam Zendeli u pritën në takim nga zv. Ministri i Bujqësisë, Pylltarisë dhe Ekonomisë së Ujërave, z.Flakron Bexheti, ku u diskutua për mundësitë e bashkëpunimit mes të dyja palëve, me qëllim krijimin e kushteve më të favorshme për bizneset që operojnë në këtë fushë.



Kryetari i OEMVP, z. Mendi Qyra, nënvizoi se Maqedonia e Veriut ka të gjitha parakushtet për të zhvilluar një sektor konkurrues bujqësor, por nevojiten masa mbështetëse më të fuqishme nga institucionet shtetërore për të rritur investimet, modernizuar teknologjitë dhe fuqizuar prodhuesit vendorë.

4.4 "OEMVP mysafire e Aleancës Kosovare të Bizneseve me rast të manifestimit të 17-vjetorit të Pavarësisë së Kosovës"

17.02.2025, Shkup - Kryetari i Odës Ekonomike të Maqedonisë Veri-Perëndimore, z. Mendi Qyra, së bashku me Kryetarin e Kuvendit të OEMVP, z. Nazmi Ejupi, Kryetarin e Nderit, z. Xhemal Dauti, dhe Drejtorin Ekzekutiv, z. Durim Zekiri, morën pjesë në ngjarjen solemne të organizuar nga Aleanca Kosovare e Bizneseve, me rastin e 17-vjetorit të Pavarësisë së Kosovës.

Në fjalimin e tij përshëndetës, kryetari Qyra uroi të gjithë të pranishmit për këtë ditë historike, duke theksuar rëndësinë e bashkëpunimit strategjik ekonomik ndërmjet Kosovës dhe Maqedonisë së Veriut.



4.5 Takim mes Grupacionit të Ndërtimtarisë, Urbanizmit, Mjedisit dhe Energjetikës të OEMVP dhe Drejtorisë së të Ardhurave Publike

18.02.2025, Shkup – Në hapësirat e Odës Ekonomike të Maqedonisë Veri-Perëndimore u zhvillua takim mes përfaqësuesve të Drejtorisë së të Ardhurave Publike (DAP) dhe kompanive anëtare të Grupacionit të Ndërtimtarisë, Urbanizmit, Mjedisit dhe Energjetikës.

Drejtori i OEMVP, Durim Zeqiri përshëndeti këtë nismë të Drejtorisë së të Ardhurave Publike, duke vlerësuar qasjen pro aktive dhe bashkëpunimin e ndërsjellë për të siguruar zbatim efikas të politikave tatimore. Ai gjithashtu theksoi gatishmërinë e kompanive anëtare të Odës për të qenë pjesëmarrës aktiv në diskutime të tilla, të cilat kontribuojnë në forcimin e sektorit privat dhe krijimin e një klime më të favorshme për investime.



4.6 Qyra në ceremoninë e ndarjes së bursave të organizuar nga *Fondacioni Albiz*: Investimi tek studentët është çelësi i suksesit

19.02.2025, Shkup - OEMVP si institucion i rëndësishëm, përkrah të rinjtë që ndjekin rrugën e zhvillimit profesional. Kështu deklaroi kryetari i Odës, Mendi Qyra, në fjalën e tij në ceremoninë e ndarjes së Bursave për studentët, të organizuar nga Fondacioni ALBIZ. Qyra nënvizoi se investimi në arsim dhe tek kuadrot e rinj, është çelësi i zhvillimit ekonomik dhe social të shoqërisë sonë.

“Jemi thellë të bindur se rrugën të cilën e kemi marrë, është e duhura dhe se argument për këtë është vetë ekzistimi i institucionit tuaj (ALBIZ) për më tepër se një dekadë. Oda Ekonomike e Maqedonisë Veri-Perëndimore, si përfaqësuese e sektorit privat, është gjithmonë e gatshme të mbështesë iniciativë të tilla, sepse një sistem i fortë arsimor është faktor kyç për një të ardhme të sigurt të brezave që vijnë. Por ne si komunitet i biznesit mendojmë se në momente të caktuara, duhet ta zhveshim petkun e modestisë, dhe më zëshëm të promovojmë arritjet tona si Fondacioni ALBIZ, poashtu edhe Oda Ekonomike e Maqedonisë Veri-Perëndimore”, tha kryetari Mendi Qyra.



4.7 Delegacioni i OEMVP-së në takim me Presidenten Siljanovska Davkova: Angazhim i përbashkët për zhvillimin ekonomik

20.02.2025, Shkup - Kryetari i Odës Ekonomike të Maqedonisë Veri-Perëndimore z. Mendi Qyra, i shoqëruar nga Kryetari i Nderit, z. Xhemail Dauti, dhe Drejtori Ekzekutiv, z. Durim Zeqiri, u pritën në takim zyrtar nga Presidentja e Republikës së Maqedonisë së Veriut, znj. Gordana Siljanovska Davkova.



Në fjalën e tij, kryetari Qyra theksoi se OEMVP mbetet e përkushtuar ndaj tre shtyllave kryesore, të cilat janë parakushte për zhvillimin ekonomik të vendit: luftimi i korrupsionit, formalizimi i ekonomisë gri dhe sundimi i ligjit. Një nga sfidat kryesore që vazhdon të pengojë zhvillimin e sektorit privat është mungesa e fuqisë punëtore në vend. Në këtë drejtim, z. Qyra prezantoi para presidentes konceptin e OEMVP për rritjen e pagës minimale, duke theksuar se është e domosdoshme të shfrytëzohet maksimalisht potenciali vendor përpara se të kërkohet fuqi punëtore nga jashtë. Të dyja palët u dakorduan se kjo çështje kërkon zgjidhje të qëndrueshme, e cila duhet të nisë me reforma thelbësore në sistemin arsimor.

4.8 OEMVP nderohet me pllakë jubilarë nga Kryqi i Kuq në 80-vjetorin e themelimit

05.03.2025, Shkup - Kryetari i Odës Ekonomike të Maqedonisë Veri-Perëndimore, z. Mendi Qyra mori pjesë në ngjarjen solemne të organizuar me rastin e 80-vjetorit të themelimit të Kryqit të Kuq të Maqedonisë së Veriut.

Gjatë kësaj ngjarjeje, OEMVP u nderua me një pllakë jubilarë, një shenjë falënderimi për mbështetje dhe kontributin e çmuar që ka dhënë në realizimin e iniciativave humanitare të organizatës. Ngjarjet e tilla janë mundësi për të reflektuar mbi rëndësinë e bashkëpunimit të ngushtë ndërmjet institucioneve dhe organizatave, të cilat kontribuojnë në mbështetje të kategorive të ndryshme të shoqërisë dhe për të theksuar sukseset e arritura gjatë kësaj periudhe të gjatë.



4.9 OEMVP organizon Iftarin Tradicional, duke promovuar solidaritetin dhe bashkëjetesën

06.03.2025, Shkup – Me rastin e muajit të shenjtë të Ramazanit, Oda Ekonomike e Maqedonisë Veri-Perëndimore në ambientet e anëtarit të saj, Restorant Nita Palace organizoni Iftarin Tradicional duke mbledhur përfaqësues të biznesit, institucioneve dhe komunitetit në një mbrëmje të mbushur me frymën e solidaritetit dhe mirëkuptimit.



Pjesëmarrës në këtë ngjarje të rëndësishme ishte edhe Kryeministri i Republikës së Maqedonisë së Veriut, z. Hristijan Mickoski, i cili me praninë e tij dha një mesazh të fortë për rëndësinë e dialogut dhe bashkëpunimit ndërmjet komuniteteve dhe sektorëve të ndryshëm të shoqërisë.

4.10 Realizohet takim mes OEMVP dhe MPJTJ. Diskutohet rreth mundësive të bashkëpunimit për stimulim të eksportit

11.03.2025, Shkup - Në hapësirat e Odës Ekonomike të Maqedonisë Veri-Perëndimore, Drejtori Ekzekutiv z. Zeqiri priti në takim përfaqësues nga Ministria e Punëve të Jashtme dhe Tregti të Jashtme, me qëllim të diskutimit për mundësi bashkëpunimi me kompanitë anëtare të Odës.



Z. Zekiri prezantoi punën dhe dinamikat e Odës, duke theksuar disa nga pikat kyçe strategjike në kuadër të Platformës për zhvillim ekonomik të RMV. U potencua rëndësia e fuqisë punëtore të mjaftueshme dhe të kualifikuar, me një ekonomi diverze dhe zhvillimore që parandalon emigrimin, ku në këtë drejtim OEMVP zëshëm ka propozuar masa konkrete për parandalimin e këtij fenomeni. U diskutua edhe rreth kompanive anëtare të Odës të cilat eksportojnë jashtë vendit, duke kontribuar në mirëqenien ekonomike të Maqedonisë së Veriut.

4.11 Drejtori ekzekutiv i OEMVP, z. Durim Zeqiri pjesëmarrës në Konferencën Rajonale të ESG në WB6

20.03.2025, Prishtinë – Drejtori Ekzekutiv i OEMVP, z. Durim Zeqiri, ishte i ftuar si panelist në Konferencën Rajonale ESG WB6, e organizuar në kuadër të projektit për promovimin e praktikave të ESG (mjedis, shoqëri, qeverisje) nga Dhoma e Tregtisë dhe Industrisë Kosovë, në bashkëpunim me Odën Ekonomike të Maqedonisë Veri-Perëndimore dhe partnerët e tjerë.



Z. Zeqiri ishte pjesëmarrës në panelin e parë të diskutimit me temë “Bashkëpunim rajonal për ESG – Forcimi i përpjekjeve ndërkufitare”. Ai theksoi implementimin e standardeve të larta dhe shkëmbimin e praktikave të mira mes vendeve të rajonit, duke e cilësuar si hap kyç për krijimin e një mjedisi më të qëndrueshëm biznesor dhe për të ndihmuar kompanitë në përshtatjen me kërkesat ndërkombëtare për qeverisje të mirë, përgjegjësi sociale dhe mbrojtje të mjedisit. Gjithashtu, potencoi rëndësinë e bashkëpunimit ndërinstitucional mes shteteve të Ballkanit Perëndimor, me çka do të kontribuohet në forcimin e konkurrueshmërisë së kompanive.

4.12 Realizohet Mbledhja e II-të e Këshillit Drejtues të OEMVP. U diskutuan prioritetet për periudhën që vijon

27.03.2025, Tetovë - Në hapësirat e kompanisë anëtare Hotel Mercure Tetovo, u realizua mbledhja e II-të e Këshillit Drejtues të OEMVP për vitin 2025, e udhëhequr nga Kryetari, z. Mendi Qyra.

Në këtë mbledhje të pranishëm ishin edhe Kryetari i Kuvendit të OEMVP z. Ejupi, nënkryetarët z. Aliu, z. Berisha dhe z. Asani, ku ky i fundit shtroi edhe iftar të përbashkët për të gjithë të pranishmit.



Me rast të 20 vjetorit të themelimit të OEMVP, temë kyçe e mbledhjes ishte organizimi i aktiviteteve në kuadër të së njëjtës. Ky jubile i rëndësishëm i Odës Ekonomike të Maqedonisë Veri-Perëndimore këtë vit shënon 2 dekada të suksesshme të angazhimit dhe kontributit të saj për sektorin privat, si dhe ekonominë e vendit.

4.13 Maison de Parfum Skopje, kompania anëtare e OEMVP, hap dyert për vizitë ekskluzive

12.02.2025, Shkup - OEMVP vazhdon të mbështesë dhe promovojë anëtarët e saj, duke krijuar mundësi të reja rrjetëzimi dhe bashkëpunimi. Në kuadër të kësaj, kompania anëtare e OEMVP-së, Maison de Parfum hapi dyert për një vizitë ekskluzive, ku pjesëmarrësit patën mundësinë të njihen nga afër me brendin, të eksplorojnë koleksionet unike të parfumeve Premium dhe të përfitojnë oferta speciale të dedikuara ekskluzivisht për ta.



Kryetari i Odës, z. Mendi Qyra, në fjalimin e tij përshëndetës foli për rëndësinë e bashkëpunimit mes bizneseve dhe rolin e OEMVP-së në krijimin e mundësive të reja për zhvillim.

4.14 Eksplorimi i tregjeve të reja: OEMVP organizon pjesëmarrjen e bizneseve anëtare në një nga panairët më të rëndësishme ndërkombëtare të ndërtimtarisë - CF Istanbul

14.02.2025, Stamboll - Përfaqësuesit e OEMVP nga kompanitë anëtare TRIM & LUM, Mi trans, Arh koncept, Ambrella Swiss Bau dhe GRADIS-KOO, ishin pjesëmarrës në ditën e parë dhe të dytë të panairit, ku patën mundësinë të zhvillojnë takime B2B me kompani ndërkombëtare, të eksplorojnë mundësitë për zgjerimin e tyre në tregjet e huaja dhe të shkëmbejnë ide për bashkëpunime potenciale në të ardhmen.



Ndërkohë, kompanitë Be Fix, Balkan Group dhe JU-SM-Bakiji vazhdojnë pjesëmarrjen e tyre ditëve në vijim, të cilët do përfitojnë nga mundësitë e rrjetëzimit me kompanitë e tjera pjesëmarrëse dhe promovimit të kompanive të tyre me të njëjtit.

Informatori ekonomik ECONOMICUS

Gjatë kuartalit të parë të vitit 2025 janë publikuar 2 edicione të informatorit ekonomik ECONOMICUS. Temat të cilat janë prezantuar në këtë informator ekonomik janë:

- **Economicus nr.1** – Energjia elektrike, gazi natyror, qymyri dhe produktet e naftës, nëntor 2024
- **Economicus nr.2** – Indeksi i çmimeve në bujqësi, janar 2025

Biznes Informatori DOBIA

Gjatë kuartalit të parë të vitit 2025 anëtarët e OEMVP kanë patur mundësi të njoftohen nëpërmjet informatorit ekonomik DOBIA për thirrje publike në lidhje me grante dhe mundësi për financim. Gjatë kësaj periudhe përmes e-mailit është dërguar tek anëtarët 1 edicion i informatorit, ndërsa njoftimi për dërgimin e të njëjtit është shpërndarë edhe në rrjetet sociale të Odës.

Thirrja e cilat është mbuluar në këtë edicion të informatorit është:

- **Dobia nr.1** – Thirrje publike - Për paraqitjen e kërkesave për mbështetje financiare nga IPARD – “Investime në mjete themelore të ekonomive bujqësore”

5. Zvogëlimi i ekonomisë gri (joformale), minimizimi i korrupsionit dhe konkurrencës jo lojale si parakusht i konkurrueshmërisë së shëndoshë ekonomike

5.1 Njoftim mbi fillimin e Anketës për Opinionin Ekzekutiv

26.04.2025 – Oda Ekonomike e Maqedonisë Veri-Perëndimore, si partner institucional i Forumit Botëror Ekonomik, për 7 vite radhazi, edhe këtë vit ka nisur implementimin e “Anketës për Opinionin Ekzekutiv” për vitin 2025.



5.2 Fushata e OEMVP për sensibilizim kundër Ekonomisë gri (joformale)

12.05.2025 - Avantazhet e formalizimit të biznesit.



6. Marrëdhëniet me publikun

- **08.01.2025** - Qyra: Tregu ynë kombëtar ka 60 mijë kilometra katror, duhet ta shfrytëzojmë si komb këtë potencial

<https://www.facebook.com/oemvp.org/posts/pfbid0yxVLmXGa7rvWw7uWedt8h2qzfZj79WjS1g7cbR7zgds9Ek4uNNSCCUJG1LwHERSI>

- **09.01.2025** - Klan Debat – Mendi Qyra

<https://www.facebook.com/oemvp.org/posts/pfbid02cxU41UXnuHBEzjPHWFSeXk6M4qo5gYEFEuWUyAV5W3yUo8nH9TXsDjfAq7Vd6M76I>

- **15.01.2025** - Drejtori Ekzekutiv i OEMVP - z.Durim Zeqiri, në debatin Televiziv të TV 24 "24 Отворено"

<https://www.facebook.com/oemvp.org/posts/pfbid02YZnkk68TnSPiZisZHH8nqptWTe4bjupTJs8iWet56bacQArJPLfj7Lh8JySH4MFXI>

- **24.01.2025** - Në linkun e mëposhtëm ndiqni intervistën e z. Sami Morina - anëtar i Këshillit Drejtues të OEMVP, në emisionin Biznes plus në Televizioni i Maqedonisë - TVM2.

<https://www.facebook.com/oemvp.org/posts/pfbid0eiubz31ez599quwkhXpoBBLGVbVLSdiu8UKk2duxfTXNRDRW88XNDn37t4wv6WZol>

- **30.01.2025** - Nënkrjetari i Kuvendit të OEMVP, z. Kasam Zendeli në debatin televiziv të TV Telma "Top Tema"

<https://www.facebook.com/oemvp.org/posts/pfbid0gd6pfmBMYqQ9Lz4CL7FYiEAewbgxUAw9FPeJ1q6Jzb4WoviLjGxpRbRCYxVBA9Vl>

- **31.01.2025** - Kryetari i OEMVP, z. Mendi Qyra për Radio Evropa e Lirë: "Ende nuk mund të thuhet se tregu i çmimeve është stabil, ndaj është e nevojshme të merren masa adekuate për rregullimin e tyre, veçanërisht për produktet bazë të përditshme".

<https://www.facebook.com/oemvp.org/posts/pfbid0d6YsEvvNsUKJH4jpbpdMpDC6mcxpfoTmC1Geq73XLopWPams6qvbmgmzuTjLYdKhpl>

- **04.02.2025** - Në linkun e mëposhtëm mund të ndiqni Kryetarin e OEMVP, z. Mendi Qyra në emisionin "Klan Debat" në Klan Maqedoni, ku u diskutua mbi Bojkoti i marketeve : Alarm dhe mesazh serioz nga qytetarët.

<https://www.facebook.com/oemvp.org/posts/pfbid02qVUjLdoV4KR2QKNWEXg3xFHykui4RgwfcUCKpxeGRkdVBRtEXtVvm8ySdoHwpCANI>

- **13.02.2025** - Ndiqni deklaratën e kryetarit të OEMVP, z. Mendi Qyra për TV 24, lidhur me kufizimin e marzhave dhe se sa ato do të përmirësojnë standardin dhe varfërinë.

<https://www.facebook.com/oemvp.org/posts/pfbid02UsJSMHUCJdCwB5TLnQVueNLgMmmJRqjEdswc qkojqCUWS2dYsQBgBACDDW7XSLI>

- **21.02.2024** - Në vazhdim mund të ndiqni intervistën e Drejtorit Ekzekutiv të OEMVP, z. Durim Zeqiri, mbi kufizimin e marzhës bruto të fitimit, vendimi i fundit i Qeverisë i cili do zbatohet deri me datë 30 prill

<https://www.facebook.com/oemvp.org/posts/pfbid034bh3usns7kcHzZjVsMowNnECKmukNGJGG283PM Ze4LKoQ5gT36GYXHUrQwQWH2I>

- **22.02.2025** - Kryetari i OEMVP, z.Mendi Qyra, i ftuar në #PikëPodcast

<https://www.facebook.com/oemvp.org/posts/pfbid0f5DmBjPjFFc7Sh4ajmC33UjNnqfu5FABJ2iZFu8gZF8 7TrnjLUdFJdyd39o7JEGI>

- **07.03.2025** – Durim Zeqiri në emisionin Biznes Plus në RTMV2

<https://www.facebook.com/oemvp.org/posts/pfbid03co2yVjWTFy16jac16RhjvTPjbKXKQUGGkXeFvPKk9 BfvUDLjgmsxZy2LQ9tHRHl>

- **13.03.2025** - Kryetari i OEMVP, z.Mendi Qyra i ftuar në Zëri i Amerikës: Të rritet paga minimale në 500 euro, por të ulen kontributet.

<https://www.facebook.com/oemvp.org/posts/pfbid031d91eRfrTHDvZCuCK65h82rbey7Sr9Vse5zTrzMen1 bczfzLX9c9UcGJPaVMLEs4I>

- **19.03.2025** – Kryetari i OEMVP, z.Mendi Qyra, i ftuar në podcast "Weconomy"

<https://www.facebook.com/oemvp.org/posts/pfbid024rKsF2Bj7RQCgG8BMxPsKNJJFHLVm5dnhhxxCJHkc bjBMRDqgbtDotSe6CuzngZCI>

7. Komunikimi me anëtarët

Gjatë tremujorit të parë të vitit 2025 Desku i shërbimeve ka realizuar mbi 520 kontakte me kompani në forma të ndryshme (thirrje telefonike dhe e-mail) dhe njëkohësisht Desku i shërbimeve është kontaktuar rreth 500 herë.

Gjithashtu gjatë tremujorit të parë, në OEMVP janë anëtarësuar gjithsej 7 kompani të reja.

8. OEMVP në media

Gjatë periudhës Janar – Mars 2025, përfaqësues të OEMVP kanë qenë prezent në media 19 herë, ndër të cilat:

- në emisione – 9;
- deklarata në TV – 8;
- deklarata në media të shtypura – 2

Gjithashtu, gjatë periudhës së njëjtë OEMVP është cituar mbi 200 herë.


9. OEMVP në rrjetet sociale

OEMVP, me përfundimin e kuartalit të parë të vitit 2025, në rrjetin social FACEBOOK numëron gjithsej:

- 8,538 ndjekës;
- 7,780 pëlqime të profilit.

Krahasuar me vitin paraprak, periudhën e njëjtë kemi rritje të pëlqimeve të profilit për 2.37%, ndërsa rritje të ndjekësve për 4.02%

Ndërkaq, OEMVP është aktive edhe në rrjetet tjera sociale dhe atë INSTAGRAM ku gjithsej numëron 546 ndjekës dhe LinkedIn me gjithsej 177 ndjekës.



Shërbimet e OEMVP

Oda Ekonomike e Maqedonisë Veri-Perëndimore është një partner që ndihmon bizneset në rrugën e tyre drejt suksesit afarist përmes një game të gjerë shërbimesh.



SHËRBIMET INFORMATIVE – Anëtarët e OEMVP-së kanë mundësi të informohen nëpërmjet kanaleve të informimit në fushat e tyre të interesit siç janë: Informatori ekonomik **ECONOMICUS**, Biznes informatori **DOBIA**, Informatori Juridik **JURIS** dhe **JURIS ALARM**, **BULETINI I OEMVP-së**, **THIRRJE PËR TENDERË NDËRKOMBËTARË**, **PANAIRE RAJONALE DHE NDËRKOMBËTARE**.



SHËRBIMET PROMOVUESE – OEMVP nëpërmjet shërbimeve promovuese të saj, mbështet anëtarët e saj duke i promovuar të njëjtit, duke përfshirë këtu, kompanitë start-up, kompanitë të cilat kanë lancuar shërbim të ri, kompanitë që kanë oferta të reja promovuese, etj. Roli i odës është ti promovojë të njëjtit përmes: promovimit në **Rrjetet sociale**, shërbimit **“Anëtari për Anëtarin”** (nëpërmjet e-mailit), **Logo në web faqen e OEMVP**, **video në korridorin e OEMVP**, **materiale promovuese në sallën e takimeve të odës si dhe katalogu TOP 100™**.



QENDRA E TRAJNIMEVE- Qendra e trajnimeve të OEMVP-së është aktive për të ju shërbyer kompanive me trajnime të temave të ndryshme, duke përmbyshur nevojat e tyre për trajnim dhe përgatitje të kuadrove të tyre. Trajnimet kryhen në bazë të **Planit vjetor të OEMVP-së** apo sipas kërkesave specifike të anëtarëve.



QENDRA PËR CILËSI DHE STANDARDE - Oda Ekonomike e Maqedonisë Veri-Perëndimore përmes Qendrës së saj për cilësi dhe standarde, anëtarëve Ju ofron: **ISO Standarde**, **HASSP Standarde**, **Halal Standarde**.



KONSULENCA DHE ANALIZA – Ky shërbim përfshin: **Konsultime (ligjore dhe ekonomike)**, **Analiza financiare sipas kërkesës**, **Shërbime patentimi**, **Shërbime të pronësisë intelektuale**, **Kërkesa drejtuar institucioneve**.



SHËRBIMET E TJERA - Çertifikata e Origjinës, Çertifikata e Origjinës-Elektronike, Lobim, Lobim sipas kërkesave individuale, Ftesë për panaire virtuale për ndërlidhje të bizneseve me regjionin, Shërbime administrative, B2B takime, Qasje deri te Grupacionet e Odës, Ftesë në ngjarjet e OEMVP-së (seminare, konferenca, samite), Vende të rezervuara në çdo ngjarje të OEMVP-së, Asistim për pjesëmarrje në panaire të ndryshme botërore, Përfaqësim i interesave të anëtarësisë para institucioneve shtetërore dhe ndërkombëtare, Drekë me kryeministrin/presidentin/ministrat, Iftari Tradicional, Vërtetim për anëtarësi.



SHËRBIME TEKNIKE – Hapësira të lira për anëtarët në zyrat e OEMVP-së për takime dhe biseda biznesore (deri 1 orë), Sallë për shfrytëzim njëditor dhe disaditor (deri 15 vende).



KATALOGU TOP 100™ - Katalogu TOP 100™ i kompanive më të suksesshme në Maqedoninë e Veriut është një platformë rrjetëzimi dhe promovimi, ku promovohen bizneset e suksesshme, por gjithashtu krijohen mundësi të reja për bashkëpunime potenciale mes anëtarëve ekzistues dhe anëtarëve potencial. Ky katalog ofron një mundësi të shkëlqyeshme, për kompanitë që duan të prezantojnë produktet dhe shërbimet e tyre para një audience të gjerë, duke stimuluar vizibilitetin e tyre dhe forcimin e pozicionit në treg, dhe njëkohësisht duke i bërë kompanitë më konkurruese në tregun vendor dhe ndërkombëtar.